

Genade is nie karma nie

Taylor Swift is wêreldberoemd. lewers sing sy: "Karma is a god." Sy sing ook dit is haar "boyfriend ... that's coming back around." Binne verskillende godsdienste en filosofieë veronderstel karma dat alle aksies ooreenstemmende gevolge het. Anders gestel, alles wat mense doen, kom uiteindelik op dieselfde maniere terug na hulle toe. Goeie daade lei tot goeie karma of goeie gevolge en slegte daade tot die teenoorgestelde. Karma hou ook verband met die noodlot, waarin so baie mense, gelowiges inkluis glo. Die noodlot is geskoei op vaste oorsaak-gevolgskemas: "Die wiel sal draai." "Whatever will be, will be."

Gelukkig doen die Here nooit enige karma-roetes met ons nie. Hy giet nooit ons lewens in sulke noodlottige sement nie. Hy hou ons nie willoos gevange aan die hand van ons verkeerde daade van gister en eergister nie. Hy hanteer ons nie soos wat ons Hom hanteer nie. God deurbreek ons eie oorsaak-gevolggedrag deur juis vir ons te gee wat ons nie verdien nie, naamlik genade en splinternuwe lewe. Hy is immers skatryk in genade en ontferming, soos wat Paulus in Efesiërs 2 skryf. Die Here vergeld ons nooit volgens ons oortredings, wat ons in elk geval aan Sy voete neergesit het nie, soos wat Psalm 103 leer. Die Here is altyd geduldig en lankmoedig. Hy blaai graag 'n nuwe bladsy om. Die kruis van Christus vertel dit helder en duidelik. Glo in Hom, nie in die noodlot nie.

Geskryf deur Stephan Joubert

Gemeente – Algemeen

- Dank GOD vir Radiokansel & al die ander radiostasies wat SY Naam groot maak
- Bid vir Vaalpark gemeente se werksaamhede en elkeen wat ook leiding neem in die gemeente
- Bid vir die eredienste; ons lidmate; Onbeperk en ons predikante

Voorbidding vir lidmate

Lottie Conradie
 Jaco Steenkamp
 Johnny Viviers
 Annie Brink
 Annika Kilian
 Leonie Kruger
 Jillian Jansen
 Jaap Naudé
 Tannie Bets Coetzee
 Marinda Jordaan
 Tannie Rina vd Vyver
 Rudi Kruger
 Adri Botha
 Johan Zulch
 Reinhardt J van Rensburg
 Ivan Garacki
 Tannie Lenie du Plessis
 Cedric Wiegand
 Willie Viljoen
 Willie Britz

Dank Gebede

- Dankie HERE vir elke nuwe dag wat U my skenk
- Dankie dat U, U **ENIGSTE SEUN** gestuur het om vir my aan die houtkruis te sterf
- Dankie HERE dat ek kan sit, opstaan, loop, lag, ruik, hoor, proe & omgee & dankie HERE dat U altyd saam met my die pad loop!
- Dankie my GOD vir elke gebed wat gebid word & vir elke gebed wat U verhoor. Dankie dat U ons hand nooit sal los nie.
- Dankie vir U **wondergroot genade...**
- HERE, ek het U lief! AMEN



Want uit genade is julle gered,
 deur die geloof, en dit nie uit julleself nie:
 dit is die gawe van God; nie uit die werke nie,
 sodat niemand mag roem nie.

Efesiërs 2:8-9



Byvoorbeeld baie dankie vir jou dankoffer...

ABSA Sasolburg; Tjek Rekening
 Rekno.: 0520580654
 Takkode: 632005

Gedagte vir die week

**ONS IS GERED
 (DIS DEUR GENADE)**